

ДЕКАБРЬ

19-це шистонза 1940 кизоня

141 (1793)

ПИТНЕЦ 5 тр.



Комсомолю Вайгяль

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

8-це КИЗОСЪ

Адресъ: г. Саранск,
Советская ул., Дом печати.

КАСФНЕМС ИТТНЕНЬ САМОДЕЯТЕЛЬНОСТЬСНОН

Од ломанть художественнай и эстетическай воспитання занци фкиянь ведущай васта коммунистическай духа воспитаннянь тевса, сон направленной санди, штоба формировать социалистическай родинати полезнай ломань од качества мархта.

Сяс и тя кизефксть мархта оцю энергияса занимадондайхть минь странань школатне. Тянь инкса эрь кизоня этафневихть детский творчествань олимпиадат, конат ащихть мощнай средствакс иттенень самодеятельностьснон касфтомаса.

Мордовияса улихть лама школат, конат шарьхкодезь тя ответственнай оцю задачатъ, систематически этафнихть ученикнень эткса самодеятельность коряс работа. Тянди примерк ащи Саранск ошень 12-це № средний школасъ. Тяся пятай 1940-41-це тонафнема кизоть васень шинзон пингс-такиге ушедф детский творчествань олимпиадатнеди деятельнай анокламань работасъ. Ученикне тиендихть школати нагляднай пособият, работайхть литературнай журналонь созданият лагса. Тяниень пингть балетнай кружокс аноклай групповой кафта пластическай танецт. Тядя башка систематически занимадондай октябрятань хорс. Старшай классонь хорс тонафни советскяй композиторонь морхт. Драмкружокс аноклай Чеховть «Юбилей» пьесанц.

Тяфта жа оцю работа вятевеи Zubovo-Polyanskiy райононь средний школаса. Организовандамок драматическай и хоровой кружокт, регулярнайста кармасть йотафневома синь эсост занятиятне.

Но аф сембе школань работникне тяфта шарьхкодезь оцю важностень тевть. Лама школава тя работасъ этафневи кампанейски. Кярмотькшихть самодеятельность коряс работати эста, мзярда илады аф лама пинге олимпиадатнедь этафтомасонды.

Сире-Шайговань районца (ВЛКСМ-нь райкомть секретарец Дуденков ялгасъ) лама школава детский самодеятельность коряс работасъ аф вятевеи, лувондсазъ тянь второстепеннай тевкс. Саранск ошень 14-це № школаса нинге арьсихть, што олимпиадати анокламань работасъ ушедоме рана. Нльне педсоветанияса тяфтам мьялхть ульсть. Тя средний успокоенность бирнесыне иттенень творческяй касомасон.

Аныцек систематическяй работат вятманц вельде можна цебарьста ладямс идень самодеятельность.

ТОНАФНЕСАЗЪ ВКП(б)-ТЬ ИСТОРИЯНЦ

М. Козловскяй средний школань педколлективс упорнайста работай эсь идейно-политическяй уровененц касфтоманц лагса.

Ламоц синь эздост тонафнесазъ ВКП(б)-ть историянц котопе главанц. Тянь коряс лувондыхть лама дополнительнай литературат; пользовандайхть ВКП(б)-нь историят тонафниензонды лезксонди консультациятнедь мархта, лувондыхть художественнай литература. Тядя башка историянь преподавательс Василий Дмитриевич Ларионовс башка главатнедь коряс тиенди лекцият.

Е. Голосницкий.
Атюрьевскяй район.



Уголь Узбекистанца

Ангрен ляйтъ долинасонза тядень кизоть геолокне мустъ каменнай уголень од оцю месторождения. Тяниень пингть Ангреншахтстройть площадка-стонза строяфт васенце колма шахтатне.

СНИМКАСА: Ангреншахтстройень лучшай стахановецне-проходчикне (кержи ширеста види шири) Н. Д. Лошнов, Ф. Ф. Поляков, Р. Р. Мухтаров, У. А. Рахманов и И. А. Мальцев комсомолецне, конат пияшкотьшнесазъ шахтатнеди стволонь проходкаса нормасон 150 проц.

Фотосъ В. Лейнтъ (Фотосъ ТАСС-ть).

Од ломанень собрания

Нят пинтнедь Ковылкинень соцкультурань районнай Кудса ВЛКСМ-нь райкомс и физкультурань уполномоченнайс этафтс од ломанень собрания, коса ульсь 200-шка од ломань.

Лыжнай спортть развитианц и лыжнай комсомольскяй кроссти анокламаса, комсомольскяй организациятнедь и физкультурнай коллективнень задачасон колга доклад мархта выступил физкультурань райуполномоченнайс Сундуков ялгасъ.

Пренияса корхтай ялгатне азозъ эсь мяльснот, кода сядя цебарьста органи-

зовандамс лыжнай и конькобежнай спортть.

Собраниясь лихтс постановления организовандамс ДСК-ть видеса лыжнай база аф 100 парда кржа лыжаста. Лыжнай базати руководителкс кемокстаф Василий Петрянин и Николай Лебедев ялгатне.

Собранияда меле ДСК-ть драмкружокнц вийнзон мархта ульсь путф пьеса, ульсь танецт, морась духовой оркестрс. Вечерс этась весяласта и организова-

Абакумова.

Каникулатнедь этафтсазъ весяласта

Аф кунара Zubovo-Polyanskiy районнй школань первичнай комсомольскяй организацияс эсь собраниясонза кемокстасъ тьялонь каникулатнедь этафтомасон колга план.

Планть коряс 1-4 классонь ученикнеди ули тиф од кизонь ёлка. Тядя башка ули этафтф военной игра. Тянь инкса организовада штаб, коза сувсихть школань директорс Кулыгин ялгасъ, военрукс и 10-це классонь ученикт.

Старшай классонь ученикнень мархта ули тиф лыжнай поход Zubovo-Polyanskiy район.

Ляна—Ширингуши, Ширингуши—Зубово-Поляна маршрутс коря.

Од кизонь карша илять ули этафтф карнавал, конанди анокламань работат вятема кемокстаф А. С. Дмитриева ялгасъ. Организовандафт ни командат лыжнай соревнованиятнеди анокламаса.

Каникулатнедь пингста райклубса кармайхть улема иттенди специальнай сеанс.

В. Чеканов.

Зубово-Полянский район.

Од Исапря велень изба-читальняса

Лама киза, кода ни паньф од Иса-пря вели изба-читальня и колхознай клуб. Нят культурань очакне арасть велень од лomatтнеди свободнай пингонь этафтома вастокс.

— Коса васеттама тачи илять?

— Изба-читальняса. Тачи избачс Мелякин Андрейс тоса этафты международнай положеният колга беседа. — Мольхтыа обязательна!—Сидеста кулендевихть нят валхне велень од лomatтнедь куркста.

— Недяляшиста клубса постановка, а меле танцт...

— Мзярса?

— Кафксоса. Нят корхтайхть досу-генон этафтоманц колга омбонине. Сембе синь радостнай трудта меле эрыска-дыхть весялагатнема, конанц тейст аноклазе велень клубс. Клубть сце-

нанц лагста постановкада, лекцияда и докладта башка можнат сидеста наеме и школьникнень выступлениасон, конат няфнихть населенияти эсь дарованиасон. Тиендихть физкультурнай, сольнай, вокальнай выступленият, азонкшихть декламацият и рассказ, морсихть и кштийхть. Клубса тяфтажа сидеста эрайхть и кино-картинатка.

Эрь шиня клубть и изба-читальнят помещениясна эрайхть пияшке ломанда, коса лувондыхть свежай газетат, журналхт, ваныхть постановка и ставтов.

Сембе тя корхтай сянъ колга, што колхознай крестьянствать зажиточностенц мархта, ряцок касы и культурнай уровенецка.

Н. Москалев.

Инсарскяй район.

ЛАТВИЯНЬ КОММУНИСТИЧЕСКАЙ (БОЛЬШЕВИКОНЬ) ПАРТИЯТЪ IX СЪЕЗДОНЦ ПАНЖЕМАЦ

Декабрь 17-це шистонза Ригаса панжесъ Латвиянь коммунистическай(большевиконь) партият IX съездон.

Съездъ панжесе Латвиянь КП(б)-нь ЦК-ть васенце секретарец Калнберзинс ялгасъ. Нюрхкяня речса сон азозе, што тя Латвиянь коммунистическай партият васенце съездон, кона этни легальной условияса.

Кочксеви 31 ломаньцта президиум.

Почетнай президиумти съездс кочксесыне Сталин, Молотов, Ворошилов, Каганович, Калинин, Андреев, Микоян, Жданов, Хрущев, Берия, Шверник и Димитров ялгатнедь. Сталин ялгаты лемонц лятфтамста залть эса кепотькшнни овация, кулевихть вайгялхть: «Шумбра улеса великай Сталинц!», «Сталинти «ура!».

Съездс единогласна кемоксни шинь тяфтам повестка: Латвиянь КП(б)-нь ЦК-ть отчетон, Латвиянь КП(б)-нь ЦК-ти кочкамат, ревизионнай комиссиянь кочкамат.

Шинь порядкань и регламентонь кемокстамда меле Латвиянь КП(б)-нь ЦК-ть работанц колга отчетнай доклад тисъ Калнберзинс ялгасъ.

(ТАСС).

Сборхне этнихть интереснайста

Сире Исапрянь средний школаса цебарьста ладяф пионерскяй работасъ. Старшай пионервожатайс Пиксайкина ялгасъ сатс сянъ, штоба регулярнайста этафневольхть отрятнедь эса сборхне. Сембоц отрятта школаса организовандафт кота и октябрятань колма группат.

Увлекательнай и интереснай работа этафни сборхнень эса 6-це «А» классонь отрядтъ вожатаец Шанкинас. Сборхнень эса тиендевихть беседат, а тяфта жа этафневихть мероприятият идень самодеятельность касфтомаса.

В. Москалев.

Инсарскяй район.

ШКОЛАСА МЕТОДИЧЕСКАЙ ЛЕЗКССЪ

Мокша-Ювнянь НСШ-са учебнай частьс вяти оцю работа од учительхнеди методическай лезксонь максомаса. Педагогическай совещаниятнедь эса путевихть методическай работат коряс кизефкет. Ня кизефкснень коряс доклад мархта выступают учительхне, конатнедь оцю работань опытсна.

Тя работат вятманцты тяфтажа тарксевихть од учительхне. Аф кунара педсоветанияса 3-це классонь учительницас Родина ялгасъ азондозе, кода стройсесыне уроконзон, кода аноклакшнни тейст. Сонь докладонц учительхне кулхондозь оцю мяльса. Тядя меле эрь учительс корхтасъ сянъ колга, кодане сонц этафнесыне уроконзон.

Коняшкина од учительницас тисъ доклад «Сермадомань методикат колга». Тяфтам увлекательнай и интереснай докладтнедь этафнемасна ащихть мощнай средствакс педагогическай мастерствать тонадоманцты.

Г. Шичкин,
учебнай частень заведующайс.
Торбеевскяй район.

Олимпиадась васьфтьсась анокста

М. Пашад велень средний школаса хоркружоксь деятельна вяти анокла-ма работа детский творчествань районной олимпиады. Кружокть руководителем Цымталов ялгась иттенди тонафнезень нотатнен. Таниень пингть хоркружоконь четтне тонафнихть «Казачья дума о Сталине», «Гравушка», «Песня о Волге» морхнен эса.

Декабрь 7-це шистонза итне самодетельность мархта выступали родительский собрания.

В. Кирдяшкин.
М. Кирдяшкина.

Пурдошанский район.

ВЫХОДНОЙ ШИНЯ

Тяла. Шись якшама. Чамзинский средний школань ученикне Вая и Серёжа Нуштаефне тусть ичкози, вирть фталу, Лысю пандть ланге курькснема.

Декабрьский шись пик яркаель, ловть ланга весяла ульсь модемась. Шифтне наряжафтольхть акшеста, бта ватаса вельхтяфтольхть.

Косонга ашель кашт моли. И вдрук Ваясь нарушандазе тишинать. Сон ушедсь декламировать Пушкинт «Зимнее утро» стихотворенияни.

— Содасак, Серёжа,—мьяргсь Ваясь эсь ялганцы,—мьярда морафтонь стихотворениянь, тейнь Пушкинт кельговсь сембодонга пик. Пушкинт мон пик келькса, сон пик красивайста описывает природать...

Синь пачкодть Лысю пандть ланге и пухокс ащи ловть ланга ушедсь курькснема. Пандть ланга курькснесть 2 частта ламос. Сяда меле ламос якасть вирть эзга. Нийсть нумол и кодамабди ёмла звернянь кит. Куду састь весяласта, щёкасна якшамть эзда толкс палсть.

— Тон тят пеленде псида, тят пель якшамдонга, прыцень календак сталькс!
— Морась Ваясь, а Серёжась пале вайгяльса, пцтай эсь пачканза, лездсь Ваянти.

Илять, куду самда меле синь ванозь «Семиклассики» кино-картинать. Вов кода этафнесазь выходной шитнен Вая и Серёжа Нуштаефне.

А кода тинь, школьник, этафнесазь эсь досугонтень? Дайте фкя-фкянди азондсась «Комсомолонь вайгяль» газетать вельде.

И. Симдянов.

Фалу кепсемс эсь идейно-политический уровеньдень

Руководящий комсомольский органонь отчетно-выборный кампанияда меле, Ковылкинань комсомольский организация эса ламода цебарьгодсь пропагандистский работась. Комсомолецне сяда серьезнайста кярьмодсть эсь идейно-политический уровеньонь кепедема.

Сят комсомолецнеди, конат самостоятельна не могут тонафнемс ВКП(б)-ть историяни, организовандафт политграмотань и «ВКП(б)-ть историяни Краткой курсонь» тонафнеманц коряс кружокт. Синь эсост занятияне этафневихть планц коря 2—3 эрь ковня. Политграмотань кружокса, конац организовандафт Воскресенско-Лашминский РСШ-са, руководитель ВЛКСМ-нь райкомть агитацияни и пропагандань работать коряс комиссиять членон Болдова ялгась этафтсь ноябрьста 2 занятият тяфтама темань коряс: «Россияса вассенне революциясь (1905 к.)» и «Вассенне империалистический войнась».

«Объединение» промартелень комсомолецне политграмотань эсь кружоксост тяфта жа этафтсь кафта занятият

Ширингушский районца населениянь эткса аф грамотность и малограмотность куроконь пингста машфтоманцы улихть сембе возможностне. Районца мекольдены кизотнен пингста ламода кассь аф полной средний и средний школатнен лувксена, конатнен мархта ряок значительна кассь учительстваське.

Но сави видеста азомс, што районца уликс возможностне аф грамотность машфтомаса использовандакшневихть эфси аф сатомшкаста. Ронось нльне аф содасы, мзяра учитель работай населениянь эткса неграмотность и малограмотность машфтомаса.

Тя тевса ронот аф сатомшка руководстванц сюнеда сембоц лувф 2080 аф грамотнай и 1235 малограмотнай эзда тонафнемаса фатиф анык 770 аф грамотнай и малограмотнай.

Работань тя важнейшай участка пик калдывста ладиф тевсь Пичпанда велеса, коса 239 аф грамотнай и малограмотнай эзда тонафнемаса фатиф анык 175-шка ломань. Тя тевса, аф ваномок тяфтама положений ланге,

школань директорсь Шестаков ялгась сонь цебарьгофтоманц инкса аф приноси кодамовок мерат.

Районца нинге улихть лама велет, кода Дубасова (школань директорсь Сальниковась), Покасы (школань заведующийсь Бирюковась) аф грамотность и малограмотность машфтоманцы нинге афи кярьмодькснесть.

Населениянь эткса аф грамотность и малограмотность машфтомать эзда ронот и кой-конат школатнен оторванностьсон пик яркайста пинге няфнесы ся факть, што районца кочкаф 250 культармеец эзда работам кярьмодсь анык 65 культармеец. Кода правила, культармеецнеди работаса школань директорхне лезкс аф максихть.

Ронось обязан населениянь эткса аф грамотность машфтомаса сембе аф сатиксненди путомс пе, и куроконь пингста мобилизовандамс сембе учительхнен и старшай классонь тонафнихнен тя огромнай важностье задавать честь мархта пашкодемайцы.

Дм. Родин.

Мезенкса панцазь зарплатать?

Инсарский райононь Мокшень Паевка велеса избачекс работай Пантелейкин ялгась. Сонь эрь шинь «трудовой деятельности» этни колхознай правления пикаркаса тарксезь.

Изва-читальнять вестенге аф панчссы, политико-просветительнай работа населениянь эткса кодамовок аф этафни.

Аф стак Пантелейкин ялгать велеса лемдезь бездельничокс.

Велень од ломатне кизефнесазь сельисполкомть, ламос ли нинге кармай паннема бездельнички зарплата?

Липенкин.

Инсарский район.

Улемс конюхокс—тя почетнай тев

Дзержинский лемса колхозонь первичнай комсомольский организацияса Парамонов Николайсь лувондови фкя инь выдерженнай и активнай комсомолец. Лувомок сембонь тьянь, этай кизоня колхозникне сонь путозь колхозу конюхокс. И эрви азомс, што сон эсь тевонц мархта справляется отлична.

— Тяфтапт кда улельхть тинь алашанте,—печенезь корхнесь Парамоновсь иля конюх ялганзонды.

— На буксир савить, Коля!

— Соревнованиясь тердить илядык конюхнен!—Весяласта ёрьасть валсон

колхозникне, конат ащесть колхознай пирьфса.

— Синь мархтост соревнованиясь?—корхтай Парамоновсь. —Лучше тердья соседний колхозонь любовай конюх...

Виде, вдь Парамоновть алашанзон лаца справна алашат аш марнек колхозса. Сонь алашанза кштизь-кштихть.

— Оправдандаса колхозникнен довериясон. Тундати лифайне алашатнен нинге сяда справнаста.—Аделазе корхтаманц Парамонов ялгась.

М. Аношкин.

Ковылкинский район.

АНГЛО-ГЕРМАНСКИЙ ВОЙНАСЬ

Германский армиять, верховнай командованиянц сводкасонза пачфневи, што декабрь 16-це шинь карша веть германский авиациясь успешна бомбардировандазе Шеффилдть. Эсонза ульсь лама взрыв и пожар. Калдыв погодать сюнеда декабрь 16-це шистонза Англиянь ланге налететь эса примась участия анык аф лама самолет. Лондонца удалась ёрдамс бомбат важнай военной объектонь ланге, транспортнай сооружениятнен и воинский лагерть ланге.

Рейтер агентствать сведенияизон коряс, декабрь 16-це шинь карша веть Берлинть ланге английский авиациять налетонц эса участвовандасть тяжёлай бомбардировщикт. Бомбардировкась мольсь веньберф и главный объектокс тейнза ульсь электростанцияне, железнодорожной узелхне и товарнай складне.

Декабрь 17-це шинь карша веть английский авиациять основной удароц ульсь тиф Мангейм германский ошт ланге. Бомбатне ульсь ёрдафт лама военной значенинь объектонь ланге, тиевсь лама пожар. (ТАСС).

ПРИМСЕВИ ПОДПИСКА

1941 КИЗОНЬ ВАСЕНЦЕ КВАРТАЛТИ
РЕСПУБЛИКАНСКИЙ КОМСОМОЛЬСКИЙ
„КОМСОМОЛОНЬ ВАЙГЯЛЬ“
ГАЗЕТАТЬ ЛАНГС.

ГАЗЕТАТЬ ПИТНЕЦ:

1 ковс	60 трешник
2 ковс 1 ц.	20 "
3 ковс 1 ц.	80 "

Подписать примсезь сембе почтовой
отделенияне, агентстване и
письмоносене.

ПРИМСЕВИ ПОДПИСКА

1941 кизоня пионеронь и
школьниконь, „Якстерьгалстук“
журналть ланге.

ЖУРНАЛТЬ ПИТНЕЦ:

1 ковс	40 трешник
3 " 1 ц.	20 "
6 " 2 ц.	40 "
1 кизос 4 ц.	80 "

Подписать примсезь сембе почтовой
отделенияне, агентстване и
письмоносене.

платнай лекциятнен. Анык мекольдены пингть «Омбопе империалистический войнась и Американ Соединеннай Штатне», «Трудящийся коммунистический воспитаниясон колга» лекциятнен, конат ульсь лувфт райцентраса, кулхондозь 155 комсомолец, аф лувомок ни сят лекциятнен, конат лувондовихть велетнен эса.

Но улель ба оцю эльбиятксон азомс, што районца комсомолецнен политобразованиясон мархта тевсь ащи благополучна. Улихть нинге аф кража комсомольский организациянь руководителхть, конат комсомолецнен политический воспитаниясон мархта руководства аф вятихть. Комсомольский организациянь секретарьхне Коннов (Каз. Майдан), Корольков (Порапа), Козеев (почта), Внучкова (Заготзерно) и лият прокс самоустранились пропагандистский работать эзда. Нльне синць аф кепсезь эсь политический уровеньон, аф корхтамок ни комсомолецнен тонафнемасон колга. Калдывста кепсезь эсь политический уровеньон и комсомолецне Кочелавань школьной, Лашминский спиртзаводонь комсомольский организациятнен эсонга. Спирт-

заводса 17 комсомолец эзда ВКП(б)-ть историяни тонафнесазь анык 4 ломатть. Тинь нинге весть нафтезе теоретический конференциясь, конац ульсь этафтф парткабинетса «Краткой куреть» 3-це главанц коряс, коса ламои комсомольский организациянь секретарьхнен эзда ащесть отвечав нльне фкявок кизефксонь ланге.

Райцентрань, да и марнек райононь комсомолецнен ламоена могут самостоятельна тонафнемс ВКП(б)-ть историяни. Синь услугазост парткабинетсь, коса ули сатомшка политический литература. Эрви анык настоячивость и упорства тя сложнай наукать овладенияса.

Эрь комсомолец обязанностье — фалу кепсемс эсь идейно-политический уровеньон, овладеть марксизмать-ленинизмать основанзон мархта.

А. АБАКУМОВА,

ВЛКСМ-нь Ковылкинский райкомть агитациянь и пропагандань работать коряс комиссияни председателец.

Ответ. редакторсь И. ЧУДАЙКИН.